

D611

U B915 AAB
MAHATHIR - IKRAR R R R

KUALA LUMPUR, 11 JUN (BERNAMA) -- DATUK SERI DR MAHATHIR MOHAMAD BERKATA HARI INI EKONOMI NEGARA YANG MENUNJUKKAN TANDA-TANDA PEMULIHAN PADA AKHIR TAHUN LALU TERUS BERKEMBANG TAHUN INI.

PERDANA MENTERI MENEGASKAN, PERNINTAAN BARANGAN EKSPORT NEGARA BERTAMBAH SEMENTARA HARGA BEBERAPA KOMODITI MENINGKAT KE PARAS YANG MENGGALAKKAN.

DATUK SERI DR. MAHATHIR BERKATA DEMIKIAN DALAM UCAPAN TAHNIAH DAN IKRAR TAAT SETIA KEPADA YANG DI-PERTUAN AGONG SENPENA MAJLIS MENGADAP DAN ISTIADAT PENGURNIAAN DARJAH KEBESARAN DAN BINTANG SERTA PINGAT DI ISTANA NEGARA DI SINI.

MENURUT DATUK SERI DR MAHATHIR, HARGA PETROLEUM SEMAKIN STABIL MANAKALA HARGA MINYAK SAWIT DAN TIMAH MENINGKAT.

PERDANA MENTERI BERKATA BELIAU YAKIN PROSES PEMULIHAN EKONOMI NEGARA INI AKAN BERTERUSAN WALAUPUN SECARA PERLAHAN. - LAGI.
1245MST 11 06 87

D612

U B916 AAB
MAHATHIR - IKRAR 2 KUALA LUMPUR

DATUK SERI DR MAHATHIR BERKATA KAWALAN IMPORT DAN KEUANGAN YANG KETAT OLEH KERAJAAN SEJAK BEBERAPA TAHUN LEPAS TELAH MENAMPAKKAN HASIL YANG MENGGALAKKAN.

KATA BELIAU, SEBAGAI BUKTI, JUMLAH IMPORT TELAH BERKURANGAN SEMENTARA DEFISIT AKUAN TIDAK KETARA BERTAMBAH BAIK.

KEJAYAAN LANGKAH-LANGKAH INI JUGA IALAH MELALUI PENINGKATAN RIZAB ANTARABANGSA ATAU +EXTERNAL RESERVES+ NEGARA, KATA DATUK SERI DR MAHATHIR.

PERDANA MENTERI BERKATA PADA KESELURUHANNYA, KERAJAAN YAKIN EKONOMI NEGARA AKAN BERKEMBANG TAHUN INI.

WALAU BAGAIMANAPUN, KATANYA, SEKTOR SAWSTA PERLULAH MENUNJUKKAN INISIATIF YANG LEBIH LAGI DEMI MENINGKATKAN PELABURAN DAN PENGELUARAN BARANGAN ESKPORT. - LAGI.

1247MST 11 06 87

D620

B B924 AAB
MAHAHTIR - IKRAR 3 KUALA LUMPUR

PERDANA MENTERI BERKATA PENYERTAAN SWASTA SEMAKIN MENGGALAKKAN HASIL LANGKAH KERAJAAN MEMPERKENALKAN BEBERAPA INSENTIF KEPADA PARA PELABUR DAN PEKILANG SEJAK DUA TAHUN LEPAS.

BAGAIMANAPUN, KATA DATUK SERI DR MAHATHIR PENYERTAAN SEKTOR SWASTA BOLEH DIPERTINGKATKAN LAGI PADA TAHUN-TAHUN AKAN DATANG.

MENGENAI PERPADUAN, BELIAU BERKATA KERAJAAN AKAN BERUSAHA UNTUK MENINGKATKAN PERPADUAN RAKYAT DEMI MEWUJUDKAN SATU NEGARA YANG TEGUH LAGI MAKMUR.

KATANYA, BELIAU BERSAMA MENTERI, TIMBALAN MENTERI DAN SEMUA KAKITANGAN KERAJAAN AKAN MENUMPUKAN USAHA DAN TENAGA UNTUK MENYEMPURNAKAN TUGAS DAN TANGUNGJAWAB DEMI MENJAMIN KEMAKMURAN DAN KEBAHAGIAAN RAKYAT SERTA NEGARA.

PERDANA MENTERI SELAKU KEPIMPINAN KERAJAAN DAN MEWAKILI SELURUH RAKYAT KEMUDIAN MENYEMBAH IKRAR TAAT SETIA YANG TIDAK PERBELAH-BAGI KEPADA SERI PADUKA.

YANG TURUT MENGHADIRI MAJLIS IALAH PARA MENTERI, TIMBALAN MENTERI, PARA PEGAWAI KANAN KERAJAAN, DIPLOMAT ASING DAN PENERIMA DARJAH DAN BINTANG KEBESARAN. -- BERNAMA.

1304MST 11 06 87